



ՌՈՒՍ ԺՈՂՈՎՐԴԻ ՔՐԻՍՏՈՆԵԱՅՄԱՆ 1000-ԱՄՅԱԿԸ Կ. ՊՈԼՍՈՒՄ

Ռուս Եկեղեցու 1000-ամյակին նվիրված հանդիսությունները սկսվեցին փետրվարի 27-ին, Կիրակմուտքի արարողությամբ Պերայի հունաց Ս. Փանակիա եկեղեցու՝ հանդիսապետությամբ Կ. Պոլսի հունաց Ս. Դեմետրիոս Ա Սրբազան Պատրիարքի: Արարողությանց ավարտին Հույն և Ռուս Եկեղեցիների դարավոր փոխհարաբերությունների սկզբնական շրջանի մասին զեկուցում կարդաց Պերկսմոնի միտրոպոլիտ Տ. Իռաննես սրբազանը:

Փետրվարի 28-ին, կիրակի, բարձրաստիճան հյուրերի և խոտմերսւմ բազմության ներկայությամբ տեղի ունեցավ հանդիսավոր պատարագ հունաց Ս. Գևորգ աթոռանիստ եկեղեցում:

Քրիստոնեական առաքելական և պատմական համարյա բոլոր Աթոռները իրենց ներկայացուցիչներով մասնակցում էին այդ հոգեպարար արարողությանը:

Հայաստանյայց Առաքելական Եկեղեցին ներկայացնում էր Կ. Պոլսի Հայոց Պատրիարքարանձի դիվանապետ, Ամենապատիվ Տ. Ծնորհք Ս. Պատրիարքի փոխանորդ գերաշնորհ Տ. Մեսրոպ եպս. Մութաֆյանը:

Նորին Սրբություն Ս. Դեմետրիոս Ա. Պատրիարքի ձեռամբ մատուցված ս. պատարագից հետո տեղի ունեցավ մսունավոր արարողություն՝ ի պատիվ Ս. Օլգայի և Ս. Վլադիմիրի:

Հանդիսությունները փակվեցին պաշտոնական ճաշկերույթով՝ Պերայի «Դիվան» պանդոկում:

